


Tsab Cai Rau Lub Tuam Txhab Tag Nrho		
Tam Sim No Zoo Li Cas Lawm: <i>Tab Tom Siv</i>		Tus Nab Npawb Txoj Cai: F-16
	Tsim Thaum Twg:	05/17/1994
	Hnub Tshuaj Xyuas Zaum Kawg Nkaus:	
	Hnub Rov Tshuaj Xyuas Zaum Tom Ntej:	
	Tus Thaj Tsob rau Cov Ntsiab Lus:	Tus Thawj Tswj Xyuas Nyiaj Txiag
	Daim Ntawv Nyob Rau Qhov Twg:	Pawg Nyiaj Txiag
	Kev Siv:	<input checked="" type="checkbox"/> CVMC <input checked="" type="checkbox"/> CVMG
	Kev Zam:	<input checked="" type="checkbox"/> Tsis Muaj Kev Zam Hlo Li

Kev Pab Nyiaj Txiag thiab Kev Txo Cov Nuj Nqis Kho Mob

I. TXOJ CAI

Catawba Valley Health System (CVHS) muab tej kev pab cuam kho mob rau txhua tus tib neeg txawm laww muaj peev xwm them nqi kho mob los xij. CHVS Txoj Cai Hais Txog Kev Pab Nyiaj Txiag (FAP) yog tsim los pab cov neeg mob uas tsis muaj kev tuav pov hwm los yog muaj kev tuav pov hwm tsis txaus uas yog neeg pej xeem Meskas thiab tsis muaj nyiaj txaus los them nqi kho mob. Txoj cai no yog siv tau rau Catawba Valley Medical Center (CVMC) thiab Catawba Valley Medical Group (CVMG) (uas yog muab hu sib koom ua ke tias CVHS), tsuas yog zam rau thaum yeej sau qhia meej lawm xwb.

II. COV LUS TXHAIS NTSIAB LUS

Cov lus txhais ntsiab lus hauv qab no siv tau rau cov lus uas muab coj los siv hauv txoj cai no:

Kev Pab Nyiaj Txiag txhais tau tias yog kev pab kho mob pub dawb ib feem los sis tag nrho rau tus neeg mob los sis tus neeg pab them nqi sab nraud rau cov kev pab cuam kho mob, cov cuab yeej thiab cov khoom siv uas CVHS tau muab rau tus neeg mob.

Kev muaj cai tsim nyog tau txais los ntawm kev kwv yees (PE) txhais tau tias yog kev txiav txim siab los ntawm CVHS uas yog siv tus txheej txheem thiab tus qauv cai hauv txoj cai no seb tus neeg mob puas muaj cai tsim nyog tau txais Kev Pab Nyiaj Txiag.

Tsis Muaj Kev Tuaj Pov Hwm: Cov neeg mob uas tsis tau txais kev pab duav nqi los ntawm lub tuam txhab tuav pov hwm txoj phiaj xwm kev kho mob, kev them nyiaj pab rau cov neeg ua hauj lwm, cov phiaj xwm los ntawm tsoom hwm xws li Medicare thiab Medicaid, cov phiaj xwm los ntawm lub xeev/tsoom hwm teb chaws, Kev Pab rau Cov Neeg Raug Kev Ua Pphem, thiab lwm yam, los sis kev thaj tsob los ntawm tog neeg sab nraum los ntawm kev ua tshab sib tsoo los sis lwm yam xwm txheej.

III. TUS TXHEEJ TXHEEM/QHOV TXHEEJ TXHEEM

Tej kev pab cuam uas sau tsis tau nqi rau, raws li txoj cai qhia mas, muaj kev txwv ntxaws raws li Catawba Valley Health Systems cov lus qhia. Kev Pab Nyiaj Txiag yog qhov kev pab faj seeb tom qab rau tag nrho lwm yam kev pab nyiaj txiag uas muaj. CVHS yuav tshuaj xyuas txhua tus neeg mob hauv tsev kho mob seb laww puas Muaj Cai Tsim Nyog Tau Txais Los Ntawm Kev Kwv Yees nyob rau lub sijhawm tsim nyog.

Cov Kev Pab Cuam Uas Tsis Tau Txais Kev Pab Duav Nqi:

Cov kev pab cuam hauv qab no tsis muaj cai tsim nyog tau txais Kev Pab Nyiaj Txiag los ntawm CVHS:

- Cov txheej txheem kho mob uas yog cov kev pab kho kom zoo nkauj zoo nraug, kev daws kho kom rov qab muaj taus me nyuam, los sis kev kho txiv neej tsis muaj zog nrog poj niam pw. Cov kev kho mob kom zoo nkauj zoo nraug uas xaiv kho uas tsis muaj feem cuam tshuam nrog lwm yam mob yuav tsis tau txais kev pab duav nqi los ntawm Kev Pab Nyiaj Txiag. Kev kho cov teeb meem uas yeej muaj thaum yug los lawm yuav tsis xam tias yog kev kho kom zoo nkauj zoo nraug uas xaiv kho.
- Kev phais txiav lub plab zom zaub mov kom yuag.
- Cov neeg thov kev pab uas raug kaw tsev loj tam sim no yuav tsis muaj cai tsim nyog tau txais Kev Pab Nyiaj Txiag. Cov neeg raug kaw hauv tsev loj kuj vim yog teeb meem kev ua txhaum txoj cai pej xeem los sis txoj cai tsev neeg hauv yuav tsum tau thaj tsob them nyiaj rau lawv cov nqi tsev kho mob.

Kev Muaj Cai Tsim Nyog Tau Txais Kev Pab Dawb Los Ntawm Kev Kwv Yees Rau Cov Kev Pab Cuam Hauv Tsev Kho Mob Nkaus Xwb (sau nqi dhau los ntawm Meditech)

Cov neeg mob uas pom tau tias Muaj Cai Tsim Nyog Tau Txais Kev Pab Nyiaj Txiag Los Ntawm Kev Kwv Yees uas yog saib raws li qee tus qauv cai uas tsis saib raws cov nyiaj tau los. Cov neeg mob tsis tas muab ntaub ntawv pov thawj rau peb los yog lwm yam kev pov thawj kom thiaj tsim nyog. Tej qho kuaj ntsuas seb puas tsim nyog suav nrog (cov neeg mob yuav tsum phim yam tsawg kawg nkaus yog ib qho).

1. Tsis muaj vaj tsis muaj tsev;
2. Muaj mob puas hlwb es tsis muaj leej twg los sawv tus neeg mob cev;
3. Tus neeg mob los yog ib tug me nyuam hauv nws tsev neeg tau tso npe koom rau Medicaid;
4. Tau tso npe koom lwm lub khoos kas pab zej toom fab nyiaj txiag (suav nrog, tiam sis tsis txwv rau, Lub Khoos Kas Rau Poj Niam, Mos Ab, thiab Me Nyuam Kev Noj Qab Haus Huv (Women, Infants, and Children Nutrition Program), Lub Khoos Kas Pab Noj Qab Haus Huv (Supplemental Nutrition Assistance Program)).

Cov neeg mob yuav raug zam los ntawm Kev Muaj Cai Tsim Nyog Tau Txais Los Ntawm Kev Kwv Yees yog tias lawv:

1. Muaj kev pab duav nqi los ntawm kev tuav pov hwm sab nrauv rau cov kev pab cuam kho mob uas xaiv kho (tsis yog mob kub ceev).
2. Yuav tsum tau thov kev tso cai rau cov kev pab cuam tab sis ho cia li tsis thov kev tso cai (cov neeg mob no yuav tau kos npe rau daim ntawv zam kev muaj cai).
3. Txais nyiaj them nqi kho mob ncaj qha los ntawm lawv lub tuam txhab tuav pov hwm, kws lij choj, los yog lwm qhov chaw pab them nqi kho mob.
4. Kev tsis muab cov ntaub ntawv kev tuav pov hwm kom raug tseeb rau CVMC los sis tsis teb cov lus thov cov ntaub ntawv kev tuav pov hwm uas hloov kho tshiab kom ncav sij hawm.
5. Yuav daim npav khiab nqi MD Save ua ntej rau lawv cov kev pab cuam lawm.

Kev Muaj Cai Tsim Nyog Tau Txais Los Ntawm Kev Kwv Yees rau CVMC thiab CVMG:

Dhau li tej saum toj no lawm, CVHS kuj yuav xam hais tias tej xwm txheej nram qab no yuav Muaj Cai Tsim Nyog Tau Txais Los Ntawm Kev Kwv Yees rau Kev Pab Nyiaj Txiag uas tej zaum yuav nrhiav pom tom qab tawm tsev kho mob mus tsev lawm thiab tej zaum yuav tsum tau muab los sis tsis tau muab cov ntaub ntawv pov thawj txhawb pab.

1. Cov neeg mob uas tau tag sim neej mus lawm uas tsis muaj khoom teej tug muaj nqis hlo li.
2. Lub koom haum Cooperative Christian Ministry (CCM) cov kev pab cuam rau tej nqi uas qis dua \$500 nrog muaj ntawv xa neeg mob tuaj. Cov ntawv xa neeg mob tuaj uas muaj nqi siab dua \$500 yuav tsum tau ua daim ntawv thov Kev Pab Nyiaj Txiag.
3. Kev tsis kam ua qhov kev phais kho kom txhob muaj me nyuam los ntawm Medicaid vim muaj teeb meem txog kev tso cai.
4. Cov neeg mob nyob ntawm Ryan White Grant thaum uas tsis them feem nqi uas yus tus kheej them hauv 120 hnuv.
5. Cov tshuaj yus siv yus tus kheej uas Medicaid tsis pab duav nqi.
6. Lub Catawba County Public Health (CCPH) tau xa neeg tuaj txais kev pab cuam kuaj mob uas zoo raws li CCPH tus qauv cai hais txog kev pab dawb lawm.
7. Cov neeg mob fab cwj pwm uas tsis muaj kev tuav pov hwm uas yuav tsim nyog txais nyiaj txiag pab ntawm 3 qho chaw tab sis cov nyiaj rau lub xyoo ntawd twb tag lawm.

Cov neeg mob uas tsis Muaj Cai Tsim Nyog Tau Txais Los Ntawm Kev Kwv Yees raws li tau hais los saum toj no thiab cov neeg mob uas tiv tauj CVHS kom nrhiav kev pab nyiaj them nuj nqis kho mob, yuav muaj lub hwm tsam los ntsuam xav seb puas tau txais Kev Pab Nyiaj Txiag thiab kev pab them nuj nqis kho mob los ntawm kev ua kom tiav Daim Ntawv Thov Kev Pab Nyiaj Txiag.

QHOV TXHEEJ TXHEEM**Pib siv tau txij li Lub Ib Hlis Tim 1, 2025:**

Nyob rau hauv tus txheej txheem ua ntej teev npe los sis kev teev npe rau cov kev pab cuam hauv tsev kho mob uas yog sau nqi dhau los ntawm Meditech nkaus xwb, ces cov neeg mob yuav tsum tau teb ib co lus nug los txiav txim seb lawv puas poob rau ib qho ntawm cov hom Kev Muaj Cai Tsim Nyog Tau Txais Los Ntawm Kev Kwv Yees saum toj no. Lawv cov lus teb yuav muab khaws cia rau hauv Lub Txheej Xwm Saib Xyuas Neeg Mob Cov Nqi. Nyob rau hauv lub sij hawm ntawd, cov neeg mob yuav tau txais **lus qhia** **seb** lawv puas muaj cai tsim nyog tau txais Kev Pab Nyiaj Txiag los ntawm kev kwv yees rau qhov kev mus kho mob ntawd.

Cov neeg mob uas muaj cai tsim nyog yuav tau txais ib tsab ntawv xa mus rau qhov chaw nyob uas peb muaj hauv peb cov ntaub ntawv, yog tias muaj, uas yog tsab ntawv no yuav piav ntxiv txog tej kev xaiv rau kev rau npe nkag rau Medicaid suav nrog Kev Pab Nyiaj Txiag. Cov neeg mob uas tsis muaj kev tuav pov hwm uas tsis muaj cai tsim nyog tau txais Kev Pab Nyiaj Txiag rau PE uas tsis saib raws li cov nyiaj tau los kuj tseem yuav tau txais ib tsab ntawv ceeb toom hais txog kev rau npe nkag rau Medicaid suav nrog cov ntaub ntawv hais txog txoj hau kev ua ntawv thov Kev Pab Nyiaj Txiag. Cov neeg mob uas tsis kam teb cov lus nug saum toj no yuav tsis tsim nyog txais Kev Pab Nyiaj Txiag.

Ua ntej yuav muab ib lub as khauj rau hauv tsev kho mob lub txheej xwm muag rau lwm lub koom haum (lub koom haum tsub nqi) vim tshuav nuj nqis, txhua tus nqi uas neeg mob uas tsis muaj kev tuav pov hwm seem tshuav yuav muab xa mus rau peb lub koom haum koom tes, MedProve. MedProve yuav tshuaj xyuas cov ntaub ntawv no rau hauv lawv lub txheej xwm kom kab seb ib tsev neeg lawv khwv tau nyiaj xtiag ntau npaum li cas, tsev neeg loj npaum li cas, thiab seb tsev neeg puas pluag txaus raws li Tseem Fwv Cov Cai Txog Kev Pluag. Yuav xa moo rov qab mus rau CVHS nrog cov ntaub ntawv ntawd. Cov neeg mob uas pluag li 300% mas peb yuav hloov lawv tus nqi them npaum li 100%.

Kev Pab Nyiaj Txiag tsuas yog rau lub as khauj uas tau tshuaj xyuas nkaus xwb. Cov neeg mob uas pom tias Muaj Cai Tsim Nyog Tau Txais Los Ntawm Kev Kwv Yees rau Kev Pab Nyiaj Txiag yuav tsum tau kos npe rau ib daim ntawv tim khawv.

Ua ntej Lub Xya Hli Tim 1, 2025, Catawba Valley Medical Center yuav tshuaj xyuas rov qab ib lwm los muab tag nrho txhua yam nuj nqis kho mob uas tsis tau them txij li Lub Ib Hlis Tim 1, 2014 los txo nqis/pub dawb rau cov niam txiv pej xeeb Teb Chaws Meskas uas tam sim no tau rau npe nkag rau hauv North Carolina Medicaid (suav nrog kev rau npe nkag rau hauv qhov kev pab duav nqi los ntawm txoj phiaj xwm rau tsev neeg uas pab them nyiaj tsawg). Rau cov neeg mob uas ua tau raws li tus qauv cai no ces CVHS yuav muab lawv cov nuj nqis rov faib ua cov nuj nqis pub dawb. Nov suav nrog cov nqi uas neeg mob twb pom zoo los tsim ib txoj hau kev kom them zuj zus mus. Cov neeg mob yuav txais moo dhau ib tsab ntawv hais tias lawv tus nqi raug muab hloov ua nyiaj pub dawb thiab raug txo tag nrho. Cov nyiaj tshuav hauv tus askhauj uas tau muab xa mus rau Access One yuav tsis raug zam los ntawm qhov kev zam nuj nqis no.

Pib siv tau txij li Lub Xya Hli Tim 1, 2025:

CVMC yuav ntaus nqi xyuas txhua tus neeg mob uas yog neeg pej xeeb Teb Chaws Meskas thiab tshuaj xyuas pom tias tau rau npe nkag rau hauv North Carolina Medicaid rau cov nuj nqis kho mob yav dhau los hauv rau caum (60) hnuv dhau los txij li hnuv tus neeg mob tawm hauv tsev kho mob tam li yog neeg mob sab hauv los sis neeg mob sab nrauv thiab rov muab cov nuj nqis yav dhau faib dua ua kev saib xyuas kho mob pub dawb rau cov neeg mob uas zoo raws li tus qauv cai hauv txoj cai no. Cov neeg mob Medicaid uas tau txais kev txheeb xyuas tag lawm yuav tau txais kev ceeb toom los ntawm kev siv ncauj dawb hais thaum lawv tuaj pw hauv tsev kho mob tias cov nuj nqis yav dhau los yuav rov raug faib ua kev pab dawb thiab yuav raug zam.

Tag nrho lwm cov neeg mob CVMC uas tam sim no tau rau npe nkag rau hauv Medicaid thiab muaj cov nqi tshuav yav dhau los yuav tau txais kev ceeb toom yam sau ua ntaub ntawv hauv sij hawm peb caug (30) hnuv tias lawv cov nuj nqis tau raug rov faib dua tshiab ua kev pab dawb thiab tau raug zam lawm.

Pib siv tau txij li Lub Ib Hlis Tim 1, 2026:

CVMC cov neeg mob yuav raug xam hais tias Muaj Cai Tsim Nyog Tau Txais Los Ntawm Kev Kwv Yees yog tias cov nyiaj uas lawv tsev neeg tau los tsis tshaj 300% ntawm FPL (yog lawv tsis tsim nyog raws li cov lus qhia txog kev tsim nyog thaum tsis saib cov nyiaj khwv raws li hais saum toj no). CVMC yuav koom tes nrog ib tug neeg sab nrauv los ntaus nqi xyuas cov nyiaj uas tsev neeg tau los.

Pib siv tau txij li Lub Xya Hli Tim 1, 2026:

CVHS yuav zam txhua tus neeg mob cov nuj nqis kho mob uas pom tias yeej sau tsis tau lawm rov qab mus txij Lub Ib Hlis Tim 1, 2014 rau txhua tus neeg nyob hauv North Carolina uas muaj cov nyiaj tau los txog los sis qis dua 350% FPL los sis rau cov neeg uas tag nrho cov nuj nqis yog ntau tshaj 5% ntawm cov nyiaj tau los hauv ib xyoos puag ncig, tsis suav cov neeg uas tau rau npe nkag hauv North Carolina Medicaid uas cov nuj nqis tau raug zam los sis rov muab faib dua tshiab raws li txoj cai no lawm. CVHS yuav ntsuam xyuas seb tus neeg mob puas tsim nyog tau txais kev txo nuj nqis uas yog saib seb tus neeg mob puas zoo raws li txoj cai hais txog cov nyiaj tau los thaum lub sij hawm ntsuam xyuas.

CVHS yuav xam tias cov nuj nqis yuav sau tsis tau lawm tom qab tau ua tiag sau cov nuj nqis lawm (txhais tau tias yeej tsis tau them cov nuj nqis tag nrho los sis tsis tau tsim txoj phiaj xwm kev them nqi) los tau yam tsawg kawg yog ob xyoos txij li hnuv uas tau muab daim ntawv sau nqi thawj zaug xa mus rau tus neeg mob thiab tsis muaj kev thov kom rov txiav txim dua uas tseem siv tau tam sim no rau lub tuam txhab tuav pov hwm uas cuam tshuam nrog qhov nuj nqis. Rau cov tib neeg uas tau nyiaj los tsis tshaj 300% ntawm FPL: (1) tag nrho cov nyiaj tshuav uas cuam tshuam nrog cov phiaj xwm kev them nqi uas tus neeg mob tau them los ntau dua 36 lub hlis lawm yuav raug zam; thiab (2) lwm cov phiaj xwm kev them nqi uas muaj yuav raug txwv them tsis dhau 36 lub hlis yam tsis muaj kev hloov qhov nqi them txhua hli.

Cov neeg mob uas muaj cai tsim nyog yuav tau txais kev ceeb toom tias lawv muaj cai tsim nyog tau txais kev kho mob pub dawb dhau los ntawm kev sau ua ntaub ntawv ua ntej yuav tawm daim ntawv sau nqi mus rau tus neeg mob.

Cov neeg mob uas tsis Muaj Cai Tsim Nyog Tau Txais Los Ntawm Kev Kwv Yees raws li tau hais los saum toj no thiab cov neeg mob uas tiv tauj CVHS kom nrhiav kev pab nyiaj them nuj nqis kho mob, yuav muaj lub hwm tsam los ntsuam xav seb puas tau txais Kev Pab Nyiaj Txiag thiab kev pab them nuj nqis kho mob los ntawm kev ua kom tiav Daim Ntawv Thov Kev Pab Nyiaj Txiag.

Kev Muaj Cai Tsim Nyog Tau Txais Los Ntawm Cov Nyiaj Tau Los

Cov lus qhia tseem ceeb rau kev muaj cai tsim nyog tau txais los ntawm cov nyiaj tau los rau Kev Pab Nyiaj Txiag yog tau piav qhia hauv qab no:

Cov nyiaj khwv uas muab suav seb puas tsim nyog txais nyiaj pab dawb yog suav cov nyiaj uas khwv hauv ib lub hli ua ntej them se ntawm txhua tus neeg uas khwv nyiaj rau hauv lub tsev, suav nrog cov neeg vam txiaj ntsig.

Cov nyiaj uas tsev neeg tau los yog suav nrog, tab sis tsis tas rau, cov hauv qab no:

- Cov nyiaj tag nrho uas muab kho uas tsev neeg tau los hauv ib xyoos
- Cov nyiaj them rau kev poob hauj lwm
- Cov nyiaj them rau cov neeg uas raug mob tom hauj lwm
- Cov Nyiaj Xaus Saus thiab Nyiaj Tuav Kev Ruaj Ntseg Ntxiv
- Cov nyiaj them rau qub tub rog
- Cov nyiaj laus los sis nyiaj so hauj lwm
- Lwm cov nyiaj tau los uas siv tau yog suav nrog, tab sis tsis tas rau, cov nyiaj nqi xauj tsev, nyiaj yug txij nkawm, nyiaj yug me nyuam, thiab nyiaj los ntawm lwm yam kev pab

Cov hauv qab no yuav tsis suav nkag rau kev xam cov nyiaj tau los:

- Cov nyiaj pab tu me nyuam uas tau txais los ntawm tus me nyuam tu

Cov nyiaj khwv uas yuav suav mas yog cov nyiaj uas tsaib no tau tshaj qhia ntawm Tseem Fwv Daim Ntawv Qhia Txog Nyiaj Khwv Kom Them Se los yog cov nyiaj uas tau khwv dhau peb lub hlis no, qhov twg thiaj zoo tshaj rau tus neeg mob. Rau cov neeg uas ua hauj lwm rau lawv tus kheej, nyiaj khwv yog cov nyiaj uas tau teev tseg rau ntawm kab lug 9 ntawm Daim Foom 1040 ntawm Tseem Fwv Daim Ntawv Qhia Txog Nyiaj Khwv Kom Them Se. Cov nyiaj txais ntawm tej lub tuam txhab, lub koom haum, los yog koom haum koom tes los kuj yuav suav thiab. Yuav tsum muab tag nrho cov ntaub ntawv them se uas tau xa mus rau IRS tsaib no xa tuaj thiab.

Cov txij nkawm uas tseem tsis tau sib yuav tiam sis nyob rau hauv tib lub tsev nrog rau cov me nyuam nto hnuv nyoog los yuav raug xam ua ib tse thiab yuav suav tag nrho niam txiv cov nyiaj tau los thaum txiav txim txog kev muaj cai tsim nyog tau txais Kev Pab Nyiaj Txiag rau ib tug neeg twg hauv tsev neeg. Txhua tus neeg uas muab cov ntaub ntawv pov thawj tias tus neeg mob nyob hauv niam txiv lub tsev, tab sis yog neeg ua hauj lwm thiab tau them nqi xauj tsev los sis cov nqi nyob noj rau lawv niam lawv txiv raws li txoj cai lij choj, yuav raug xam hais tias yog nyias muaj nyias ib tse neeg. Cov nyiaj txais rau cov tib neeg uas muaj 65 xyoos rov sauv uas nyob rau hauv nws ib tug me nyuam lub tsev uas txais nyiaj Xaus Saus xwb los yuav muab saib ua ib tsev neeg txawv ntawm nws tus me nyuam tsev.

Yog hais tias tus neeg tso npe tsis tau ua hauj lwm rau tib tug tswv hauj lwm tau ib xyoo nrho, ces yuav muab saib nws cov nyiaj khwv tau plaub lub lim tiam uas ze tshaj kom thiaj txiav txim siab seb nws puas tsim nyog. Ib tug neeg twg uas qhia hais tias lawv tsis tau khwv nyiaj hlo li los sis tsis tau txais nyiaj hlo li lawv yuav tsum hais thiab sau ntawv tib si qhia seb lawv txais zaub mov, khaub ncaws, thiab chaw nyob li cas. Cov tib neeg uas tau nyiaj los qis dua 300% ntawm Tsoom Fwv Teb Chaws Cov Lus Qhia Txog Kev Txom Nyem, raws li Feem Hauj Lwm Saib Xyuas Kev Noj Qab Haus Huv thiab Kev Pab Cuam Tib Neeg tau teev tseg, yuav raug coj los ntsuam xav seb puas tau txais Kev Pab Nyiaj Txiag.

Yuav tsum xa ntawv pov thawj txog cov nyiaj txais ua ntej dhau peb caug (30) hnuv txij thaum hnuv tso npe. Cov ntawv pov thawj txog nyiaj txais suav nrog daim ntawv qhia nyiaj khwv, cov ntawv them se W-2, cov ntawv them se, cov ntawv pov thawj ntawm tus tswv hauj lwm, cov ntawv qhia muaj dab tsi rau hauv lub as khauj txhab nyiaj, thiab cov ntawv them se. Yog tias tsis tau txais cov ntaub ntawv raws lub sij hawm teev tseg no, ces daim ntawv thov yuav tsis raug lees paub.

Thaum tus neeg mob tau txais kev pom zoo tau txais Kev Pab Nyiaj Txiag dhau los ntawm tus txheej txheem kev ua ntawv thov lawm, ces txhua qhov nyiaj uas tau txais ua ntej kev pom zoo los sis tom qab kev pom zoo **yuav tsis** raug xa rov qab.

CVHS kuj tseem muaj cai muab kev pom zoo rau cov askhauj txais Kev Pab Nyiaj Txiag tau los ntawm nws tus kheej txoj kev txiav txim siab raws li lwm yam xwm txheej tshwj xeeb uas yuav txiav txim txog kev txom nyem tau.

Hais txog cov neeg mob uas tso npe thiab txais kev pom zoo txais nyiaj pab dhau tus txheej txheem Tso Npe Rau Kev Pab Nyiaj Txiag:

1. Txhua tus neeg mob thiab cov tswv cuab hauv tsev neeg uas kuj tsim nyog raws li tus txheej txheem tso npe mas, lawv txhua tus yuav txais kev txo nqi 100%.
2. Tag nrho txhua tus nqi seem tshuav yuav muab hloov rau hauv Lub Txheej Xwm Saib Xyuas Neeg Mob Cov Nqi. Nov suav nrog tej nqi kho mob seem tshuav nrog Access One.
3. Kev Pab Nyiaj Txiag no yuav kav mus tau 365 hnuv tom qab hnuv tso npe. Tom qab 365 hnuv dhau lawm, cov neeg mob yuav tsum rov qab tso npe.
4. Cov Neeg Saib Xyuas lawv zam tau qhov no raws li lawv pom zoo.
5. Kev muab kev pom zoo rau daim ntawv thov Kev Pab Nyiaj Txiag yuav raug xa mus rau cov tsev kho mob thiab cov chaw kho mob uas lub tsev kho mob ntawd yog tus tswv kom ua rau tus txheej txheem kev pom zoo sib txuas zus thiab kom tus neeg mob tsis txhob muab cov ntaub ntawv ntxiv lawm.
6. Raws li HIPAA thiab CVHS Tsub Ntawv Ceeb Toom txog Cov Kev Coj Ua Rau Kev Ceev Ntiag Tug, cov ntawv pom zoo kuj tseem yuav raug xa mus rau cov hauv qab no: Cov Kws Kho Mob Nyob Hauv Catawba Valley, Cov Kws Kho Mob Hauv Chav Kho Mob Ti Tes Ti Taw Hauv Wake Forest, thiab Piedmont Pathology.

Yuav tsis muaj kev sau nuj nqis rau cov askhauj uas tau txais kev pom zoo txais Kev Pab Nyiaj Txiag los sis cov askhauj uas tseem tab tom ncuu tos kev ntsuam xyuas daim ntawv thov Kev Pab Nyiaj Txiag.

CVHS muaj cai thim kev hloov kho rau Kev Pab Nyiaj Txiag uas tau teev tseg hauv txoj cai no los ntawm raws li kev txiav txim siab los ntawm nws tus kheej thiab yuav kom tus neeg mob los sis tus neeg lav thaj tsob los thaj tsob them tag nrho rau cov nyiaj yog pom tau tias cov ntaub ntawv uas muab los ntawd tsis muaj tseeb los sis tsis raug los sis yog tias CVHS tau txais pov thawj tias tau txais nyiaj them rau cov kev pab cuam no los ntawm lwm qhov chaw lawm.

Cov neeg mob uas thov kom ntsuam xav seb puas tau txais Kev Pab Nyiaj Txiag yuav tsum tiv tauj rau CVHS Cov Kws Paub Tshwj Xeeb Txog Kev Muaj Cai Tsim Nyog Tau Txais Los Ntawm Kev Kho Mob, Cov Neeg Pab Tswv Yim Fab Nyiaj Txiag rau Cov Neeg Mob, los sis Tus Thawj Saib Xyuas Kev Pab Cuam Neeg Qhua. Kev txiav txim txog kev muaj cai tsim nyog tau txais Kev Pab Nyiaj Txiag qib xub thawj thiab qib kawg yog yuav tawm tsis pub dhau peb caug (30) hnuv txij li hnuv ua daim ntawv thov tiav.

Tus Neeg Mob Cov Kev Thaj Tsob Ntsig Txog Kev Pab Nyiaj Txiag:

Yog tias muaj, ua ntej yuav raug ntsuam xav seb puas tau txais Kev Pab Nyiaj Txiag, tus neeg mob/tsev neeg yuav tsum koom tes nrog CVHS tus kws kho mob los muab cov lus qhia thiab cov ntaub ntawv kom txhij txhua los ua ntawv thov lwm cov nyiaj pab qub uas tej zaum yuav muaj los them rau tus neeg mob txoj kev kho mob, xws li Medicaid, Medicare, kev thaj tsob them los ntawm tus neeg sab nrauv, thiab lwm yam.

- Tus neeg mob uas muaj cai tsim nyog tau txais kev luv nqi ib feem yuav tsum koom tes nrog CVHS tus kws kho mob los tsim kom muaj ib txoj phiaj xwm kev them nyiaj tsim nyog uas ntsuam xav txog cov nyiaj tau los thiab cov khoom muaj nqis, tus nqi ntawm daim ntawv sau nqi uas luv nqi, thiab txhua yam kev them nyiaj ua ntej.
- Cov neeg mob uas muaj cai tsim nyog tau txais kev luv nqi ib feem yuav tsum ua siab ncaj ncees los ua raws li cov phiaj xwm kev them nyiaj rau lawv cov nqi kho mob uas tau txais kev luv nqi. Lawv muaj kev thaj tsob los qhia rau CVHS tus kws kho mob txog txhua yam kev hloov pauv rau lawv qhov xwm txheej fab nyiaj txiag uas yuav cuam tshuam rau lawv

lub peev xwm them lawv cov nqi kho mob uas tau txais kev luv nqi los sis kev ua raws li cov kev cai uas teev tseg hauv lawv cov phiaj xwm kev them nqi.

- CVHS yuav tsis muab Kev Pab Nyiaj Txiag rau cov neeg mob uas tsis koom tes muab cov lus qhia los sis cov ntaub ntawv uas xav tau raws li txoj cai no.

Kev Sib Txuas Lus Hais Txog Kev Pab Nyiaj Txiag:

CVHS yuav qhia txog nws Txoj Cai Hais Txog Kev Pab Nyiaj Txiag rau txhua tus neeg mob los ntawm ntau txoj hau kev

uas suav nrog, tab sis tsis tas rau:

- Hauv CVHS tus vev xaib
- Muab thaum lub sij hawm tus kws pab sab laj fab nyiaj txiag xam phaj tus neeg mob
- Daim ntawv theej ntawm txoj cai no yog muaj pub dawb thaum thov txog los ntawm kev xa raws tsev pais xab nis los sis tus kheej mus nqa kias ntawm qhov chaw nyob hauv qab no:

Patient Financial Services
1224 Commerce St. SW
Conover, NC 28613

Txoj Cai Hais Txog Kev Pab Nyiaj Txiag thiab daim ntawv thov yog muaj ua Lus Askiv, Lus Mev thiab Lus Hmoob. Muaj kev pab txhais lus rau lwm yam lus los ntawm kev siv neeg txhais lus pab.

TAU TXAIS KEV POM ZOO LOS NTAWM:

Pawg Tub Coj Xwm Saib Xyuas	Hnub Tim: _____
Cov Thawj Coj Siab Tshaj	

Hnub Tshuaj Xyuas: xx/xx/2026, 09/22/2025, 06/16/2025, 12/27/2024, 07/11/2024, 03/11/2024, 07/01/2022, 12/02/2020, 07/06/2020, 03/04/2020, 02/02/3017, 06/06/2015, 12/27/13, 05/09/2011, 05/28/10, 05/14/08, 05/01/08, 02/06/2008, 08/01/2007, 01/31/2007, 09/27/2006, 04/12/2006, 12/07/2005